

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**Po zahtjevu KJKP Gradski saobraćaj d.o.o. Sarajevo o obvezi postupanja po
Rješenju Konkurencijskog vijeća broj: 01-01-26-172/05 od 27.12.2005. godine**

**Sarajevo
listopad, 2010. godine**



Broj: 01-01-26-629-1-I/10
Sarajevo, 27.10. 2010. godine

Na temelju članka 25. stavak (1) točka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu Kantonalnog javnog komunalnog poduzeća Gradski saobraćaj d.o.o. Sarajevo, Velikih drveta 1, 71000 Sarajevo, Bosna i Hercegovina, zaprimljenog od strane Konkurencijskog vijeća dana 22.7.2010. godine, pod brojem 01-01-26-629-I/10, Konkurencijsko vijeće, na 3. (trećoj) sjednici održanoj dana 27.10. 2010. godine, je donijelo

MIŠLJENJE

Kantonalno javno komunalno poduzeće Gradski saobraćaj d.o.o. Sarajevo, Velikih drveta 1, 71000 Sarajevo, Bosna i Hercegovina (u daljnjem tekstu: Podnositelj zahtjeva ili GRAS), podnio je Konkurencijskom vijeću Zahtjev za davanje mišljenja (u daljnjem tekstu: Zahtjev), zaprimljen dana 22.07.2010. godine pod brojem 01-01-26-629-I/10, o obvezi postupanja po rješenju Konkurencijskog vijeća broj:01-01-26-172/05 od 27.12.2005. godine.

Podnositelj zahtjeva traži mišljenje Konkurencijskog vijeća, je li Ministarstvo prometa Kantona Sarajevo trebalo postupiti po navedenom rješenju Konkurencijskog vijeća i u slučaju izdanih rješenja za redove vožnje na linijama: Sarajevo-Ilijaš, Sarajevo-Kamenica, Sarajevo-Raštalica, Ilijaš-Kamenica (Crna rijeka), Srednje-Kamenica (Crna rijeka), Srednje-Sokolina, Ilijaš-Srednje, Ilijaš-Popovići, Ilijaš-Bioća, Ilijaš-Misoća, Sarajevo-Tarčin-Raštalica i Srednje-Dragoradi, koje su dodijeljene prijevozniku «Centrotrans-Eurolines» d.o.o. Sarajevo, na kojima je bilo izmjena u redovima vožnje nakon 2002. godine, bez javnog oglašavanja.

Naime, Konkurencijsko vijeće je dana 27.12.2005. godine donijelo Rješenje broj: 01-01-26-172/05 kojim je utvrđeno da Ministarstvo prometa Kantona Sarajevo, kao organ državne uprave koji svojim djelovanjem posredno ili neposredno učestvuje ili djeluje na tržištu, u smislu članka 2. Zakona o konkurenciji, počevši od 2002. godine pa nadalje, sprječava, ograničava ili narušava tržišnu konkurenciju na mjerodavnome tržištu usluga javnog prijevoza osoba i stvari u javnom gradskom prometu na području Kantona Sarajevo, iz razloga nedonošenja obveznih propisa i nepostupanja po zakonu, čime se stvara administrativna i pravna prepreka pristupu utvrđenom mjerodavnom tržištu, drugim gospodarskim subjektima-prijevoznicima u Kantonu Sarajevo.

Točkom II (2) Rješenja naloženo je Ministarstvu prometa da u roku od 6 (šest) mjeseci donese propis iz člana 8. Zakona o prijevozu u unutarnjem cestovnom prometu i pokrene postupak javnog usklađivanja redova vožnje na području Kantona Sarajevo, sukladno propisanom postupku u Pravilniku o kriterijima, postupku i načinu usklađivanja i registracije redova vožnje.

Točkom II (3) Rješenja naloženo je Ministarstvu prometa da u roku od 6 (šest) mjeseci dostavi na uvid usvojeni propis iz člana 8. Zakona o prijevozu u unutarnjem cestovnom prometu i Odluku o usklađivanju redova vožnje za linijski prijevoz osoba donesenu sukladno Pravilniku o kriterijima, postupku i načinu usklađivanja i registracije redova vožnje, kao dokaz o izvršenju naloga iz točke 2. ovog rješenja.

Sukladno tome, Ministarstvo prometa Kantona Sarajevo je bilo dužno postupiti po Rješenju Konkurencijskog vijeća, odnosno bilo je dužno donijeti poseban propis koji će urediti uvjete, način i ustrojstvo obavljanja javnog prijevoza osoba i stvari na području Kantona Sarajevo, kao i pokrenuti postupak javnog usklađivanja redova vožnje na području Kantona Sarajevo u skladu sa propisanim postupkom u Pravilniku o kriterijima, postupku i načinu usklađivanja i registracije redova vožnje.

Konkurencijsko vijeće očekuje da će Ministarstvo prometa Kantona Sarajevo poduzeti sve potrebne radnje na izvršenju Rješenja u cijelosti, radi čega će i dalje pratiti njegovo izvršenje i poduzimati odgovarajuće postupke, u skladu sa Zakonom.

Ovo mišljenje je dano isključivo na osnovu podataka navedenih u Zahtjevu, te ukoliko dani podaci odstupaju od stvarnog i činjeničnog stanja ovo mišljenje se ne može primijeniti.

**Predsjednik
dr. Stjepo Pranjić**